



Fréttabréf Brekkuskóla

3. maí 2013
6. tbl. skólaárið 2012- 2013
Ábyrgðamaður Bergþóra Þórhallsdóttir

Ágæta skólasamfélag.

Eitthvað ætlar verið að láta biða eftir sér þetta árið. Maí mánuður verður að venju hlaðinn ýmsum uppákomum og hefjum við leikinn strax í næstu viku með Brekkuskólaleikunum sem er afsprengi Ólympíuleikanna sem tókust svo snilldarvel í fyrra. Nú ætlum við að skipta hópum í líti en ekki eftir heiti landa eins og gert var þá. Síðan má nefna frjálssíðrótadaga Ungmennafélags Akureyrar, hjá 4.-7. bekk, skólaferðalög 7. og 10. bekkja, Leitina miklu í 9. bekk, Gleðidag, útileiki og vorgrill ásamt vorskóla þeirra nemenda sem hefja skólagöngu hjá okkur í haust.

Nokkrir starfsmenn eru á leið í námsleyfi á næsta skólaári. Það eru þær Sigurlína Jónsdóttir, Helga Sigurðardóttir og Sigrún Á. Héðinsdóttir. Árni Jón umsjónarmaður skólahúsnæðisins er að hætta hjá okkur og fer til starfa hjá Fiskistofu. Jón E. Berg skólaliði mun leysa verkefni hans af hendi fyrst um sinn. Fyrir þá sem eru þegar farnir að skipuleggja næsta skólaár þá eru drög að skóladagatali komin á vef skólans.

Með ósk um bjarta og gleðiríka vordaga framundan.

Bergþóra Þórhallsdóttir aðstoðarskólalastjóri

Hjólaleiktæki, öryggisbúnaður, umferðin og klæðnaður eftir veðri

Með hækandi sól eru hjólaleiktækini dregin fram úr geymslunum. Þá er rétt að huga vel að ástandi leiktækjanna og finna til viðeigandi öryggisbúnað. Það er aldrei of oft brýnt fyrir okkur sem eigum leið nálægt skólum að við þurfum að fara gætilega í umferðinni.

Þátttaka í umferðinni er úrjúfanlegur hluti þess að vaxa og þroskast. Það er mikilvægt að rifja upp og tileinka sér umferðarreglur á hjólaleiktækjum og bendum við á gagnlegar upplýsingar hvað það varðar á vefsíðunni <http://us.is/node/3381> þar sem farið er yfir helstu reglur um skyldubúnað, öryggisbúnað og rafknúin hjól. Að ýmsu er að huga þegar skilgreina skal hvaða færni börn þurfa að búa yfir til að geta verið þátttakendur í umferð og fer það m.a. Eftir aldri, þroska og umferðarumhverfi sem þau búa við.

Í Brekkuskóla gilda þær reglur og nemendum er leyfilegt að koma á hjólaleiktækjum í skólann ef foreldrar meta það svo að þeirra barn sé tilbúið út í umferðina í kringum Brekkuskóla á slíku tæki. Í skólanum er ekki hægt að geyma hjólaleiktæki innanhúss, en hægt er að læsa hjólaleiktæki við hjólagrindur vestan, sunnan og norðan við skólann.

Á vefnum <http://www.umferd.is> er að finna margar gagnlegar upplýsingar fyrir foreldra, nemendur og kennara sem undirbúa ferð á hjólaleiktækjum.

Á vorin eru oft miklar veðrabreytingar og undanfarið hefur verið óvenju kalt í veðri. Það er mikilvægt að foreldrar búi börnin sín vel í skólann og með tilliti til þess að kennarar geta verið að fara í vettvangsferðir á skólatíma.



Working together



Vefsíða verkefnisins okkar
www.workingtogether.mono.net

Erla Rán og Þorgerður kennarar eru nýkomnar frá Wiesbeiten Þýskalandi þar sem þær kynntu verkefni okkar sem unnin hafa verið í Comeniusarverkefninu. Verkefnin snérust um að nemendur í Brekkuskóla kynntu sér hvaða námsleið þarf að fara til að stunda ólík störf. Þetta gerðu þau í meðal annars viðtalsformi.

Erla Rán og Þorgerður kynntu skólann okkar og verkefnin í bekkjum. Þær fengu kynningu á bænum og skólanum sem við erum í tengslum við. Eftir heimkomu kynna þær síðan fyrir starfsfólki það sem þær sáu og heyrðu. Svona samstarf gefur okkur tækifæri á að mæta okkur við skóla í öðrum löndum, sjá eitthvað nýtt og miðla frá okkur til annarra.

Brekkuskóli

v/Skólástíg
600 Akureyri
sími 462-2525
www.brekkuskoli.is

Menntun

Gleði

Umhyggja

Framfarir

Viðburðadagatal og matseðill – Maí/Júní 2013

			1. maí Verkalýðsdagurinn Frídagur	2. Tómat og spaghettifiskur, kartöflur, grænmeti og ávextir.	3. Súpa, brauð, salat og ávextir	4.
5.	6. Gufusoðinn fiskur, kartöflur, rúgbrauð, salat og ávextir Vorskóli 5 ára	7. Buff, kartöflur, grænar baunir, rauðkál, salat og ávextir Vorskóli 5 ára Brekkuskólaleikarnir	8. Björkeby fiskur, kartöflur, salat og ávextir Brekkuskólaleikarnir	9. Uppstigningardagur Frídagur	10. Starfsdagur Frídagur nemenda Frístund er opin eftir hádegi	11.
12.	13. Steiktur fiskur, kartöflur, sósa, salat og ávextir	14. Hakkbollur, kartöflur, rauðkál, salat og ávextir Frjálsar íþróttir 4. b	15. Snakk-ýsa, kartöflur, salat og kartöflur Frjálsar íþróttir 5. b	16. Lambapottréttur, kartöflurmús, salat og ávextir Frjálsar íþróttir 6. b	17. Pastaréttur, brauð, salat og ávextir Frjálsar íþróttir 7. b	18.
19.	20. Annar í hvítasunnu Frídagur	21. Soðið slátur, kartöflur, sósa, grænmeti og ávextir Reykjaferð 7. b	22. Fiskibollur, kartöflur, sósa, salat og ávextir Reykjaferð 7. b	23. Grænmetisbuff, hrisgrjón, sósur, salat og ávextir Reykjaferð 7. b	24. Grjónagrautur, slátur, salat og ávextir Reykjaferð 7. b	25.
26.	27. Svikinn héri, kartöflur, grænar baunir, salat og ávextir	28. Steiktur silungur/ýsa, kartöflur, sósa, salat og ávextir Skólaferðalag 10. b	29. Steikt lambakjöt, kartöflur, grænmeti, sósa og salat Skólaferðalag 10. b	30. Plökkfiskur, rúgbrauð, salat og ávextir Skólaferðalag 10. b	31. Óvissa föstudagsins Leitin mikla í 8.- 9. bekk Skólaferðalag 10. b	1. júní
2.	3. Fiskur alls konar og meðlæti Gleðidagur :-) tilbreytingardagur	4. Vorgrill Grillaðar pylsur og safi Sérstakir gestir: Verðandi 1. bekkingar	5. Skólaslit Skv. auglýsingu	6. Starfsdagur Nemendur komnir í sumarleyfi	7. Starfsdagur	8.
9.	10. Starfsdagur	11.	12.	13.	14.	15.

Ljóð unga fólksins 2013

4. bekkur tók ásamt fleiri nemendum þátt í ljóðsamkeppni *Þallar* sem er samstarfshópur um barnamenningu á bókasöfnum. Ljóð hans birtist hér til hliðar en einnig bók sem gefin er út af samstarfshópnum og heitir *Ljóð unga fólksins 2013*. Þegar Kristinn Gígjar frétti af viðurkenningunni varð honum á orði: "Ég hef aldrei unnið áður!"

Til hamingju Kristinn Gígjar með fallega ljóðið þitt!

Hvað er í snjónum?

Grænt.
Stórt.
Grimmt.
Risaeðla
Á vitlausum stað.

Kristinn Gígjar Egilsson 9 ára

Menntun

Gleði

Umhyggja

Framfarir

Skólabúðir að Kiðagili

Mánudaginn 22. maí lagði 4. bekkur af stað í skólabúðir að Kiðagili í Bárðardal. Ferðin gekk vel og þegar komið var í Kiðagil beið hópsins heitur matur sem rann ljúflega niður. Eftir hádegismat var strax hafist handa og nemendum skipt upp í átta hópa sem fóru í hin ýmsu verkefni. Einn hópur fór í sveitina, nánar tiltekið að Lækjavöllum. Þar var gefið á garða og ýmis önnur sveitastörf unnin. Aðrir hópar fóru að þæfa, mála á boli, tálga dorgir, búa til skyldi eða sökkur, vinna úr hornum og beinum og að hlusta á sögur sem tengdust svæðinu. Á kvöldin voru kvöldvökur þar sem nemendur tróðu upp með fjölbreytt skemmtiatriði. Síðasta daginn var ekið að Svartárkotsvatni og þar var dorgað með dorgunum sem nemendur höfðu búið til. Það leyndist ein veiðikló í hópnum sem landaði bleikju. Það var þreyttur, glaður og reynsluríkur hópur sem lagði af stað heim á leið síðasta vetrardag. Hér að neðan má sjá nokkrar myndir úr skólabúðunum.

Sigurlína, Sigríður og Erla Rán



Menntun

Gleði

Umhyggja

Framfarir

7., 8. og 9. bekkur — valgreinar næsta skólaár

Nú er komið að því að nemendur í verðandi 8.—10. bekkjum velji sér námsgreinar fyrir næsta vetur. Nemendur hafa þegar fengið kynningarbækling, kynningu og umsóknareyðublöð. Einnig má nálgast upplýsingar um valgreinarnar og eyðublöðin á vefsíðu skólans www.brekkuskoli.is



Skilafrestur er til og með 8. maí 2013

Úlfur Logason í 10. bekk tók ásamt fleiri nemendum þátt í ljóðasamkeppni *Þallar* sem er samstarfshópur um barnamenningu á bókasöfnum. Ljóð hans birtist hér að neðan, en einnig í bók sem gefin er út af samstarfshópnum og heitir *Ljóð unga fólksins 2013*.

Til hamingju Úlfur með innihaldsríka ljóðið þitt!

Án titils

Kæri Guð

Kæri Jehóva

Kæri Allah

Hvort sem þú ert til eða bara hugaburður manna
Þá hef ég spurningu að spyrja þig
Og ég vona að hún verði krefjandi.

Af hverju læturðu veröldina viðgangast?
Suma elskarðu, aðra virðist þú sniðganga.
Ef við erum börnin þín geristu sekur um vanrækslu.
Sumum gefurðu hvorki mat né manngæsku.

Þeir segja að vegir þínir séu órannsakanlegir.
Fritzl framdi nýjan glæp á hverjum degi.
Það gerir ekki að góðum föður.
Er einhver munur á ykkar stöðu?

Og þú þykist geta dæmt okkar gerðir.
Þér er sama þótt sprengjur lífsskeið barna skerði.
Segir svo að trúleysingjar í viti brenni.

Og ég vil spyrja, er þér sama þótt blóð í sandinn renni?
Er þér sama um krabbamein og fasista,
HIV og börnin í Afganistan?
Ef svo er þá vil ég kalla þig sadista.
Ef svo er ekki, af hverju ekki að stoppa þetta?

Úlfur Logason 15 ára

Viðurkenningar skólanefndar



Skólanefnd Akureyrarbæjar veitir árlega viðurkenningar þeim einstaklingum og/éða stofnunum sem skarað hafa fram úr í skólastarfi á skólaárinu. Markmiðið er að vekja sérstaka athygli á því sem vel er gert og hvetja þá sem fyrir valinu verða til þess að halda áfram því góða starfi sem þeir eru að vinna og jafnvel gera enn betur. Viðurkenning er einnig staðfesting á að viðkomandi skóli/kennari/nemandi er fyrirmynd annarra á því sviði sem viðurkenning nær til. Nú er komið að því að leita eftir tilnefningum. Allir sem áhuga hafa geta tilnefnt. Frestur til að skila inn tilnefningum er til **6. maí 2013**. Nánari upplýsingar er að finna á vefsíðu skóladeildar <http://www.akureyri.is/skoladeild>

R -in þrjú og Bíllinn

Uppbyggingarstefnan tekur á ýmsum þáttum og nú nýverið fór fram dýpkun og upprifjun á ýmsum þáttum stefnunnar í vinnusmiðjum starfsfólks.

Farið var í Raunsæiskenninguna sem byggir á R -inum þremur: **Reality**, **Responsability**, og **Right and wrong**. Kenningin minnir okkur á það sem oft er að klicka hjá okkur í samskiptum og hegðun og byggir á því að við getum sjálf leiðrétt hegðun okkar. Hún segir okkur að við megum finna til okkar án þess þó að ganga á rétt annarra. Kenningin tekur einnig á siðferðilegum gildum sem ríkja í skólasamfélaginu. Til að kenna börnum að þau sjálf hafi stjórn á eigin hegðun þá hefur hún verið sett fram myndrænt sem **Bíll**. Þannig er nemendum kennt að skilja hegðun og athafnir hvors annars sem allar byggja á því að við höfum jú ákveðnar þarfir sem geta verið misjafnar eftir einstaklingum.

